



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Æstiva - A Dominica SS. Trinitatis, ad Dominicam decimamquintam  
post Pentecosten

**Haineuve, Julien**

**Coloniæ Agrippinæ, 1665**

Sanctus Ioannes Electis est, sicut sagitta electa.

**urn:nbn:de:hbz:466:1-44226**

ALIA VERITAS PRÆCEDENTI  
ADJUNGENDA VEL SEORSIM CONSIDERANDA  
IN ILLUD ISAÏÆ.

*Dominus posuit me sicut sagittam electam. II. 49.*

Sanctus Joannes electus est, sicut sagitta electa.

**S**ENSUS EST DUPLEX; Primus ad eos magis spectat qui proficiunt in Spiritu, quorum est proprium facile compungi & excitari cum gratia, majores ad progressus, ex eorum attentata consideratione quæ ipsi confusionem pariant, & modicam suam virtutem indicent. Talis est autem sancti Joannis vita tam aspera, tam innocens, tam longè supra humanam eminens, cujus certè consideratio vel hoc uno valde compungat & sagittet eorum animos, qui se non putant plura posse quam faciant, cum tamen ad perfectiora vocentur. Undenam potui tam multa, tam grandia, tam perfecta? Putasne à meipso? Nonne ex gratia? Nonne ex vocatione ad talem gratiam talemque sanctitatem? *De plenitudine ejus nos omnes accepimus? NON potest homo accipere quidquam nisi fuerit ei datum de caelo. Tibi ergo cum minima desit ea gratia quæ augenda tuæ perfectioni necessaria est, quid est quod ultra non progredieris? Quid quod excusas nimiam difficultatem? Sic ille hodie & quoties consideratur suo in deserto, neque manducans neque bibens, sic sagittat & compungit electorum mentes, ut hinc valde confundantur & excitentur.*

Alter sensus, pro his qui non ita proficiunt aut perfectioni vacant, præsupponit quod monet S. Petrus, *Magis satagite ut per bona opera certam vestram vocationem & electionem faciatis; hæc enim facientes non peccabitis aliquando: sic enim abundanter ministrabitur vobis introitus in æternum regnum Domini nostri, & Salvatoris IESU Christi.* Quo præsupposito, sic intelligenda est veritas ut qui velint certam suam electionem facere, considerent vitam & verba S. Joannis hinc sagittabuntur hinc excitabuntur cum gratia ad illam certam electionem faciendam. Talis consideratio medium est aptissimum ad hunc finem.

**RATIO EST,** Quia medium aptissimum ad certam suam electionem faciendam illud est quod singulariter excitat animum ad refrænantam triplicem concupiscentiam. Sicut enim **concupiscentia non refrænata radix est omnium,**

peccatorum, & inde consequentis æternæ damnationis causa: sic quando refrænatur, securis ad illam radicem ponitur, subtrahuntur peccata & salus comparatur. Nonne hoc est quod supra dicit S. Petrus: *Hæc enim facientes non peccabitis & salvi eritis?*

Sed consideratio vitæ & verborum S. Joannis singulariter excitat animum ad refrænantam triplicem concupiscentiam, seu illum appetitus motum qui dicitur *concupiscentia carnis, & concupiscentia oculorum & superbia vitæ.* **DOMINVS posuit eum sicut sagittam electam,** id est singulariter & aptissimam, ad hanc triplicem retundendam ex animo concupiscentiam. Quod certè paruit in triplici hominum genere qui prædicantem eum convenerunt, & quo auditio compuncti sunt & persuasi vitam in melius commutare. Primò quidem Pharizæi quorum superbiam exagitavit & excussit. Deinde Publicani & milites, qui cum aliena raperent, ab hac prava cupiditate dimoti sunt. Tertio denique meretrices, eo auditio, impuræ voluptati renuntiaverunt: Quod enim omnes audiebant contra has concupiscentias à sancto illo viro pronuntiatum, in eo ipso videbant impletum & cumulatè perfectum. Videbant vitam voci conformem; videbant pauperiæ oppositam luis rapinis: videbant humilitatem cuivis ambitioni repugnantem: videbant asperitatem longè à voluptate abhorrentem, Vox erat clamans, ipsa ejus vita, ipse habitus, ipse potus & esus, ipse is totus corpore & animo quantus quantus erat, vox erat clamans; *qui habet duas tunicas det non habenti, & qui habet escam similiter faciat.* **CONTENTI estote stipendiis vestris,** id est, nihil aliud concupiscite; *Securis ad radicem OMNIS arbor non faciens fructum bonum, excidetur.*

Hæc erat sagitta salutis Domini, sagitta electa **Matth. 3.** & acuta qua illi transfixi sunt de quibus dicitur, *quod baptisati ab eo considerentur peccata sua, detestarentur pristinam vitam, & ad ipsam vitiorum radicem penetrantes, sic cupiditati jam regugrabant, ut quæcunque ab illo crimina, probra*

*Joan. 1.  
Ibid. 3.*

*2. Pet. 1.*

*1. Tim. 2.*

*Luc. 3.*

*Matth. 3.*

*Luc. 3.*

*Joan. 3.*

bra & maledicta in se introqueri audirent, audirent sine murmure; peterentque omnes paribus animis quid sibi faciendum deinceps esset ad salutem.

*Ser. 127.* O certe aureum & opportunum Petri Chrysologi dictum: *Joannes virtutum schola, magistrum vite, sanctitatis forma, norma iustitia.* Unde apparet luculente veritas quo sensu est proposita, ut, qui velint electionem suam certam facere, confideant vitam & verba S. Joannis, quibus tanquam sagitta compungentur, & inhorrescant & inardescant ad melius, ut de se fatebatur S. Augustinus. Vide in ejus die festo. Vide etiam attentius quomodo Christus Dominus prædicationem illam Joannis vocet *consilium Dei* quod quia non sunt secuti, dicuntur *sprevisse illud in semetipsos*, Id est, in suam perniciem & reprobationem, quasi diceret, quod erat eis medium à Deo constitutum ut suam certam electionem facerent, versum est ipsis retrò in occanem ruinæ & perditionis. Quod quidem illis postea gravius & apertius declaravit cum diceret, *venit ad vos Joannes in via iustitia, & non*

*credidistis ei: Publicani autem & meretrices crediderunt ei: vos autem videntes nec poenitentiam habuistis postea, ut crederetis ei.* Crediderant ex Pharizæis nonnulli, sed vel plures alii non crediderunt, vel illi ipsi qui crediderant exciderunt à fide, & ad horam tantum exultarunt in luce ejus, ut jam illis dixerat Dominus. O quam verendum ne hic totus sistat dici fructus, exultare ad horam! o quam timendum, ne & ipsa dici exultatio sit potius humana vel etiam sensualis, quam divina vel spiritualis! *Exulta cum tremore.*

*Joan. 5.*

*Ps. 2.*

Quæ plura de magnitudine S. Joannis dici possent, peti debent ex hoc triplici capite. Primum est, ex persona Christi affirmantis inter natos mulierum non illo esse majorem. Secundum est, ex ipsius officio quod est esse testis Christi, & quod est esse talem sanctitate, ut jure merito illi credatur testimonium de Christo ferenti. Tertium ex ipsius S. Joannis humilitate quæ summa fuit & cui semper ex æquo respondet Sanctitatis magnitudo. Vide autem in 1. parte, Dominica 2. & 3. Adventus. In 2. Die 2. Aprilis. In 4. Feria 3. Hebdom. 16.

IN FESTO SS. APOSTOLORVM  
PETRI ET PAULI.

*Die 29.  
Junii.*

*Constitues eos Principes super omnem terram. Ps. 44.*

VERITAS PRACTICA.

Sicut fide, sic moribus, veriprobantur subditi tantorum Principum.

*RATIO EST.* Quia veri subditi tantorum Principum idcirco fide probantur, quod hi duo præsertim Apostoli fuerint constituti Principes, ut nos docerent veram fidem quam qui non tenent non se illis verè subdunt.

Sed ita etiam sunt constituti Principes ut nos docerent Christianos mores, quos aquè servavimus ac filii.

Ergo sicut fide, sic moribus veriprobantur subditi tantorum Principum. Unde apparet quanta sit necessitas operum ac morum fidei Christianæ conformium, cum alioquin nostros non cognosceamus Principes, qui sunt constituti super omnem terram, ut omnis terra subdatur eis, aut per illos Christo Domino, cui non aliter servitur quam intellectu & voluntate, seu fide ac moribus.

I. PUNCTUM.

QUAM verè illi duo inter alios Apostolos constituti sint Principes super omnem terram, patet ex eminenti eorum dignitate & potestate quæ singulariter à Christo Domino donati sunt. Et quidem potestas sancti Petri & ejus successorum Pontificum quæ dicitur potestas clavium tres habet eminentiæ gradus supra quosvis alios Sacerdotes & Pontifices. Primus, quia est unversalis & absoluta de remittendis omnibus omnino peccatis, censuris & quibuslibet vinculis dissolvendis quæ animam ligare possent & à Cœli introitu retardare: sic enim illi dictum & successoribus, *Tibi dabo claves regni cœlorum, & quodcumque ligaveris super terram, erit ligatum & in cœlis; & quodcumque solveris super terram, erit solutum & in cœlis.* Quæ potestas aliis Pontificibus est limitata.

*Matt. 16.*

X 3